



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Episc. Iurisdict. In Reliquias

urn:nbn:de:hbz:466:1-40647

EPISCOPI IURISDICTIO
In Reliquias.

Cum Reliquias admitti non possint, nisi ab episcopo approbentur.

Sciat Episcopus, sufficere moralem certitudinem quod Reliquias sint talis Sancti, ut illas approbare possit.

Et se non posse approbare Reliquias Sancti non dum canonizati, ut viderentur.

Vota autem Theologorum, qua requirit Concilium, esse solum consultiva. Et posse illa non sequi.

44. RELIQUIAS, & miracula statuit Tridentinum *sessio. 25 de reformat. c. de Vener. Sanct.* admitti non posse, nisi Episcopus recognoscat, & approbet, qui simul ac aliquid de iis compertū habuerit, adhibitis in consilium Theologis, & piis viris; ea faciat, quæ pretari ac veritati consentanea duxerit. Quod si aliquod dubium grave in his rebus occurrat, convocet Consilium provinciale Episcoporum & illorum sententiam expectet. *part. 2. tract. 15. resol. 52.*

45. Circa quod decretum adverte primò, ad approbationem Reliquiarum Episcopum non egere evidentia, sed sufficere certitudinem moralem ortam ex rationibus probabilibus: nam aliàs pòtò quocumque miraculo, semper renabit locus dubitationi. Ita Morales *hist. Hispan. l. 17. c. 5. in fine.* Et hic est sensus cap. placuit, de consecrat. *dist. 1. ubi Pontifex eas Reliquias Venerandas asserit, quæ certæ sunt moraliter, non evidentè, Sanè, qui probabiliter, & non temerè credit, dicitur certus, ut notat Naldus V. Certum, num. 1. Ibid. §. Quaritur primò.*

46. Adverte secundò, Episcopum solum approbare posse, quod Reliquiæ noviter inventæ sūt certi Sancti Canonizati: non autem Venerandas, & colendas proponere Reliquias Sancti nondum Canonizati; unde verba illa Concilii, *Reliquias novas exponere noviter expertas.* Ita Barbofa *de potest. Episcop. p. 3. alleg. 97. n. 10. contra Lorcam in 3. p. q. 25. art. 6. disp. 97. n. 10. ibid. §. Quaritur secundò.*

47. Porro vota Theologorum à Concilio requisita non sūt decisiva, sed tantum consultiva, unde Episcopus contra illa decernere potest: quia ubi consilium petitur, non oportet illud sequi. *l. cum pator §. Mando, de legat. 2. Ita Bonacina de leg. disp. 3. quæst. 1. punct. 4. num. 5. ibidem. §. Quaritur tertio.*

48. Vota autem Episcoporum provincialium sūt decisiva; quia Concilium non petit ab illis consilium, sed sententiam. Ita Sanchez *summ. t. 1. lib. 2. c. 43. n. 15.* Sufficit verò consensus majoris partis: nam quod major Concilii pars deciderit, censetur totum Concilium decidisse. *l. quod maior, ff. municip. & cap. Apostolorum, dist. 16.* Cæterum majori Concilii pars debet decidere in Concilio. Aliàs non sufficit. Ita Morales, *ubi supra c. 12. Ibidem §. Quaritur quarto.*

49. Episcopus vigore Tridentini approbare potest Reliquias extra Dioccesim secundum Barbolam, *ubi supra n. 14.* quia hæc iurisdic^o non est contentiosa, sed voluntaria. *Ibid. §. Quaritur quinto.*

Et tandem, se approbare posse Reliquias extra dioccesim.

EPISCOPI IURISDICTIO,
in usum Pontificalium.

50. INSIGNIA Pontificalia sūt Mitra, Baculus pastoralis, Annulus, Scandalia Tunicella, Dalmatica, Chirotheca, & Crux pectoralis, *par. 3. tr. 5. resol. 38.* Præter hæc Archiepiscopus accipit à Pontifice Pallium in insigne dignitatis Archiepiscopalis, *ex cap. nisi, de auctoritate, & usu pallii. †*

51. Circa hæc primò dubium est, an Episcopus in Pontificalibus celebrare possit extra dioccesim (Et Villalobos, *10. 1. tract. 13. disp. 9. n. 1.* Respondet affirmativè, quia nullus Canon id prohibet: nec obstat Tridentinum *sess. 6. cap. 5.* qui loquitur de usu Pontificalium cum aliquo exercitio Episcopali, puta, chrismandi, ordinandi, & c. ut ex contextu colligitur, & exponit Tamburinus *de iure Abbat. 10. 1. disp. 15. q. 14. n. 2.* Adde quod Episcopus ex Tamburino *ibid. num. 1.* celebrare potest in Pontificalibus intra dioccesim in locis exemptis, quæ ut notat Cochier *par. 2. quæst. 1. n. 6.* paria iudicantur in hac re locis extra dioccesim. Vide Joannem Vanshel *in Clem. de prior. fol. 37. colum. 2. & Atzedum par. 1. cap. 13. numero. 88.* Sed puto, negativam sententiam Gavanti, *Enchirid. Episcop. V. functionis Episcopis, num. 136.*

Quannam sint insignia Pontificalia.

Et an Episcopus possit cum illis celebrare extra dioccesim.

Negativè respondet.